

A2^r

Den Erbaren
 Furfichtigen/ Erfamen/
 vnd Wolweisen Herrn/ Bürgermeistern/
 vnd gantzem Erbaren Rath/ vnd Bürger
 schafft der alten löblichen Stad Dutter
 ftedt/ auff dem Eißfelde/ meinen
 Groszüftigen Herren/ För
 derern vnd Freunden.

Gottes Gnade/
 vnd ware beständigkeit
 bey der reinen Lutheri
 schen/ vnd in heiliger
 Schrift geoffenbarten
 Warheit/ Wündliche
 ich euch in Christo Jhesu/ durch die Gnade
 des heiligen Geistes/ hertzlichen zuuorn.
 Erbare/ Furfichtige/ Erfame/ vnd Wol
 weise Herren/ Der ewige Son Gottes/
 vnser lieber Herr Jhesus Christus/ da er
 von der greulichen zerstörung zu Jerusa
 lem/ vnd zugleich von den zeichen des Jün
 A ij gften tages

Luce 22.

A2^v

gften tages/ vnd letzten Zeiten prediget
spricht/ Das zur letzten Zeit viel falscher
Lerer vnd Verführer in seinem namen wer-
den auffstehen/ vnd werden hoch vnd
groß sein mit predigen vnd wunderzeichen/
mit pracht vnd ansehen/ jederman wird
ihnen beifallen/ vnd wird so ein kleines
Heufflein der rechten Christen sein/ das
auch wol so es möglich/ die Auserwählten
könten betrogen vnd verführt werden. Also
hat auch der heilige Paulus aus den reichen
Gaben des heiligen Geistes/ damit er für
vielen anderen begnadet gewesen/ wol er-
kant/ wie es so gar vbel zu den letzten Zeiten
darein denn vns der liebe Gott gesetzt/ in
der Kirchen vnser HErrn Jhesu Christi
zugehen werde, nicht allein von wegen vie-
les vnglücks/ welches Gott der allmechtige
vmb der vielfeltigen großen erschrecklichen
sünden/ vnbusfertigkeit/ vnd für die vnzeli-
chen geistliche vnd leibliche wolthaten/ vn-
danckbarkeit/ vber die Welt aus seinem
rechtfertigen zorn verhängen würde/ Son-
dern viel mehr von wegen der mancherley
schedlichen/ verdamlichen/ verführichen/
Secten/

A3^r

Secten/ Schwermern/ vnd falschen Lehrern/ die wie ein gewaltige Wasserflut in die kirchen Christi einreiffen/ großen trefflichen Schaden schaffen/ vnd vnzellige viel armer Christen mit sich in abgrundt des hellischen Meers weg führen werden Vormanet derhalben seinen lieben Jünger Timotheum/ vnd alle Diener Göttliches Worts/ das sie die Brüder sich für solchen Irthumen zu hüten treulich leren/ vor manen/ anhalten vnd warnen/ vnd wie sie sich dafür hüten vnd warnen mögen/ guten Bericht aus Gottes Wort geben sollen. Die Wort Pauli sind diese 1. Timoth. 4. Der Geist spricht öffentlich/ das in den letzten Zeiten werden etliche von dem Glauben abtreten/ vnd anhangen den jrrigen Geiftern/ vnd Lernern der Teuffel durch die so in gleisnerey lügen reden/ vnd Brandmal in jren Gewissen haben. Vnd bald hernach/ Wenn du den Brüdern folches fürhalteft/ so wirstu ein guter Diener Jhesu Christi sein/ auffgezogen in den Worten des Glaubens/ vnd der guten Lere/ den welcher du jmerdar gewesen. Diese Vormanung

A iij nung

A3^v

2. Tim.3. nung hat der heilige Apofstel nachmals in
feiner andern Epiftel reperiret vnd gefagt:
Das soltu wiffen/ das zu den letzten Tagen
werden greuliche zeit vorhanden fein/ denn
da werden Menfchen fein/ die von jnen
felbs viel halten/ Geitzig/ Stoltz/ Hoffer-
tig / etc. Die mehr lieben die wolluft/ denn
Gott/ die da haben den fchein eines Gott-
feligen wandels / aber keine Krafft vorleug-
nen fie/ vnd folche meide/ Aus denfelbigen
find/ die die Heufer durchlauffen/ vnd fû-
ren die Weiber gefangen/ die mit Sünden
beladen find/ vnd faren mit mancherley lû-
ften/ lernen jmerdar/ vnd mögen nimer zur
erkenntnis der Warheit komen. Diefes des
HErrn Chrifti vnd heiligen Pauli Weif-
fagung/ fo fie zu jrgend einer zeit find vol-
zogen/ find fie es warlich zu diesen vnferen
zeiten/ dorauff die letzte der Welt komen/
dahin fie denn auch furnemlich gericht/
war gemacht vnd erfüllet worden. Denn
der Teuffel zu diesen letzten zeiten/ nicht
allein faft die gantze Welt in feinen Stri-
cken der greulichen vnd abfcheulichen fun-
den/ der lefterung Göttliches Namens/ des
vnerhor-

A4^r

vnerhorten fluchen vnd ſchweren/ der zauberey/ der ſchending der heiligen hochwirdigen Sacramenta/ vorachtung des Seligmachenden Worts/ des vngehorfams gegen Obrigkeit/ Eltern/ vnd alle Oberherren/ des feindlichen halbes/ neides/ abgunften/ verleumbdung gutes namens/ vnd greuliches mord vnd todſchlages/ voretherey/ der groffen vnzucht/ Hurerey/ Ehebruch/ Vbermaß in freſſen vnd lauffen/ Vppigkeit in pracht vnd kleidung/ Hoffart/ Vermeffenheit/ etc. gefangen hat. Sondern auch in der kirchen Jheſu Chrifti/ durch feine Diener vnd Boten greulichen ſchaden anrichtet/ das niemand leugnen kan/ das was der HErr Chriftus vnd der heilige Paulus/ vom abfall im Glauben/ vnd anhangenden verfürlichen Geiftern/ vnd Leren der Teuffel/ zukünftig vorkündigt/ fey volzogen vnd geſchehen. Sintemal es ſo gar vbel in der Chriſtenheit/ vmb die reine Lere Göttliches Worts/ vnd die Warheit jtzt ſtehet/ als es jemal zuuor mag fein gefanden. Das wol die Weiffagung des heiligen

A iij Mannes

A4^v

Mannes Gottes d. Lutheri/ vber das 6.
Cap. Genef. Tomo 4. Jenenli/ fol. 45.
hieher kan gezogen werden/ da er spricht/
So wird es zu letzt widerumb gehen/ weil
man das Euangelium nicht annemen noch
hören wil/ sondern auff das aller ergelte
handelt vnd leftert/ vnd niemand darnach
thun wil / wird es Gott widerumb wegne-
men/ vnd die Welt widerumb mit gröffer
blindheit ftraffen/ denn zuuorn jhe/ bis er
endlich alles vertilget/ etc. Das nu folche
Zeit vorhanden/ kan kein Mensch leugnen/
da der Teuffel nicht alleine durch die Sa-
cramentirer der kirchen Chrifti hart zufe-
tzet/ Sondern vnter dem Antichriftlichen
Bepftlichen hauffen/ auch eine neue Secte
Junge Söhne vnd trewe Diener gefunden
vnd ausgefand/ die sich Jefuiter/ oder Je-
fu zu wider nennen/ welche dem Bapftumb
widerumb auff helffen wollen/ vnd derhal-
ben einen feinen fchein eines Gottfeligen
wandels furgeben/ feine Schulen anrich-
gen/ die Jugent zu vorfüren (wie denn
Paulus fie artig befchreibet/ vnd fagt/ das
fie folchen fchein füren werden) damit fie
ja jrem

A5^r

ja jrem Vater dem Teuffel fein Reich hel-
ffen mehren/ vnd dem HErrn Chrifto fein
Reich vnd Kirche/ wie die garftigen Teu-
ffels Sewe zerwülen vnd verftören. Da-
rumb wil von nöten fein/ das man fich fur
diefen Jrrgeiftern wol furfehe/ fonderlich
weil fie fo nahe zu vns (als nemlich auff
das Eißfeld) komen fein/ vnd die Chri-
ften trewlich warnen/ das fie ja bey der er-
kanten Warheit beftendig verharren/ vnd
fich fur diefem Jefuitifchen Teuffel hüten
wollen/ Wie denn Paulus an feine Weif-
fagung henget/ vnd vermanet/ das man es
den Brüdern furhalten fol. Derhalben/
damit ich (als der geringften Diener Jefu
Chrifti einer) meinem Gelöbnis/ fo ich
Gott in der heiligen Tauffe gethan (da ich
dem Teuffel/ vnd allen feinen wercken ent-
faget/ Gott gehuldt vnd gefchworen habe)
möge gnug thun/ vnd alle Gottfelige
Chriften fur diefen Teuffelifchen Jrrgei-
ftern warnen/ vnd zur Gottfeligen Be-
kenntnis der Warheit/ des heiligen Euan-
gelij vermanen/ So habe ich fur mich ge-
nomen ein Büchlein/ Vermanung zur

A v waren

A5^v

waren Chriftlichen/ Gottfeligen Bekentnis/ etc. welches mein hertz lieber Vater der Ehrwürdige vnd Wolgelardte Herr Johannes Scheidtlichius/ weiland Herztzog Otten von Braunfchweig vnd Lüneburg Superintendens/ vor etlichen Jahren an die Chriften gefchrieben/ vnd habe daselbige in diefen letzten gefehrlichen Zeiten/ da die verfolgung der Kirchen Chrifti fehr gros ift/ an vielen örten vermehret/ auch mit fchönen Sprüchen der Schrifft/ Lutheri/ der alten Veter/ mit herrlichen Exempeln der Mertyrer/ fampt einer fchönen Troftfchriff Cypriani/ vnd etlichen Troftfchrifften Lutheri/ mit meines Vatern wiffen vnd willen gebeffert/ vnd allen Chriften zu einer vermanung/ lere/ troft/ vnd warnung gefchrieben. Weil ich aber weis/ das auch ewre E. W. vmb der reinen Seligmachenden lere willen/ des heilig Euangelij/ von denfelben Jefuiten hefftig angefochten werden/ Habe ich in betrachtung/ wie wehe es Fleifch vnd Blut thut/ vmb Chrifti willen zu leiden/ die Büchlein vnter ewer E. W. namen in Druck wollen ausgehen

A6^r

ausgehen laffen/ Damit ich mich als ein
 trewer Nachbar (dem der Kirchen not
 auff dem Eißfelde auch zu Hertzen gehet)
 möge erzeigen/ vnd vermane euch alle mit
 dem heiligen Paulo/ das jr ja bey der er-
 kanten/ vnd bis anher bekanten Warheit/
 wolt bestendig verharren/ vnd euch ja nicht
 befahren laffen/ als widerfüre euch etwas
 feltzames/ wollet ja nicht lehen auff das
 sichtbare/ sondern auff das vnlichtbare.
 Vnd da ewre E. W. vnd Gunften schon
 etwas darüber muffen dulden vnd leiden/
 so wisset doch/ das diefer zeit leiden nicht
 werd fey der Herrlichkeit/ die an vns sol
 offenbaret werden/ Vnd das vnfer trübfal
 die zeitlich vnd leichte ist/ eine ewige vnd
 vber alle maffe wichtige herrlichkeit schaffe.
 Dann es ist ja also beschloffen/ das alle die
 Gottfelig leben wollen in Christo Jesu/
 müssen verfolgung leiden. Es ist von an-
 fang der Welt also gangen/ wird auch
 nicht anders gehen/ bis ans ende der Welt/
 Denn es heiffet/ wie der Vers lautet:
 Sanguine fundata est Ecclesia, sanguine cepit.
 Sanguine succreuit, Sanguine finis erit.

Rom. 8.

2. Cor. 4.

Das

A6^v

Das ift/ Auff das Blut ift die Gemeint
 Gottes gegründet/ Vom Blut ift fie ge=
 wachfen/ vnd hat jimmer zugenomen/ Mit
 Blute wird fie ein ende nemen. Derglei=
 chen fpricht auch Proper. de Vocat gent.
 2. Ecclesia vnde metuit periculum, in
 de fumit augmentum. Wenn die Ge=
 meine Gottes fich fürchtet/ Sie müffe vn=
 tergehen in der verfolgung/ fo wechft fie.
 Solches fol jm ein Chrifft ftets einbilden/
 vnd die rechnung mit jm machen/ das ers
 wagen/ vnd alles daran fetzen wölle/ fich
 auch zum Creutz mit allerley troft vnd mit
 dem Gebet vmb beyftand des heiligen Gei=
 ftes gerüft vnd gefalt machen/ Welchts
 euch ja der allmechtige/ ewige Gott auch
 mit gnaden helffen wolte/ Vnd thue hie=
 mit ewre E. W. in fchutz vnd fchirm des
 allmechtigen Gottes befehlen/ Der da
 ewre E. W. ja bey der reinen Lutherifchen/
 vnd in heiliger Schrift gegrünten War=
 heit beftendig wolte erhalten/ mit vnterthe=
 niger Bitte/ ewre E. W. vnd G. wolten
 folche Vermanung von mir/ als einem
 Nachbar (der ich teglich in meinem Ge=
 bete/

A7^r

bete/ gegen Gott dem allmechtigen ewer
gedencke) im beften auffnemen/ wie es
dann nicht anders gemeinet wird.
Gegeben in Wertern/ den 12.
Aprilis/ Anno 1578.

Ewer E. W.
Williger

Paulus Scheidtlichius/ Herrn
Philippi von Wertern/ des heil-
ligen Römischen Reichs/ vnd
der Keyferlichen May. Erbka-
mer Thûrhüter/ der Herr-
ſchafft Beuchlingen/ etc. Pfar-
herr.